

مکرمات و اخبار

❁ ادبی و سیاسی رساله ابو عیبه در ❁

۳۱ نجی سنه

۴ ذی القعدة ۱۳۲۹

❁ پنجشنبه ❁

جزء و عدد : ۱۱۸

[مابعد عن جزؤ ۱۱۴]

بن — بگا قالورسه او مکتوبلردن امید ایتدیگی قدر مستفید اولسه گرک .
چونکه کمالک مکتوبلری بوندن اون درت سنه اول بردقه ده حاده تدقیقندن
کچمش وینه طاقبله بگا اعاده اولغش ایدی . حتی شمعی بنی توقیف واستنطاقه
مأمور اولان ناظر پاشا بیله او تاربخده کمال ایله مکاتبه نامنه بزمه همحال استجواب
ایدی ۱۱ .

بز بو مکالمده ایکن کلارجی جای تسیسینی کتوردیگندن ، ناظر پاشا دخی
صالونی تشریف ایلدی . سلم نه ملاحظه مبنی ایدی که موقوفتمک شیوعی آرزو
اولغیوردی . حتی لقردی صره سنده ضیابه کتم حال توصیه سنده بولغش ایدی .
ضیا ایسه بو توصیه یی پک غریب بولدیغندن مشارالیه شو جوابی وردی :

— اگر پدرمک توقیفی اخفا ایدمک استنبورسه آنی بنده گزمه توصیه دکل .
ضابطه مأمورلرینه تنبیه بیورملی ایدگز . چونکه آنلر مأموریتلرینی پک مطمئن
صورتده اجرا ایتدکلرندن ، بوصباح کویده طوبیقدق آدم قلاماش ، حتی انگلتره
سفارتی ترجمانی موسیو مارنچ ایله آووقات موسیو بدره للی و مسازه ری ماریتم
دیرکتوری موسیو (دوبالیه ری) صباحلین ترنده ، پدرک کچه مارشاندیز قطاریله
نصل کوتورلدیگنه . برابرلرنده قاچ چوال اوراق بولندیغنه و حتی استاسیون
قهوه خانه سندن پدرک اوتورمق اوزره برده صندالی آلدیردیغنه وارجهیه قدر حکایه
ایلدیلر .

۱۱ [بومکتوبلریش یوز پارچه یی متجاوز قوجه برجلد تشکیل ایشدی که تا اوروپادن
یوم وفاته قدو دوام ایدن مخابرانمزدن عبارت ایدی . نه چاره که ضبطیه ناظری ناظم پاشا
لرؤمسر بر احتیاط اثری اوله رق نظارتده بر اقلش و صکره هرصله اورته دن غائب اولشدر .
باعث اولدیغنی بوضیاعدن طولانی مشارالیه دخی اظهار تأسف ایلشدر .

بو حکایه‌دن پاشانک جانی صقیلور کبی اولدیغندن ، توقیف‌مزه مأمور اولان ذواتک یوزینه معنیدار بر صورتده عطف نظر ایلش ایدی . آنلر ایسه مأموریتلرینی احتیاطکارانه ایفا ایلدکلرینی و بناءً علیه شیوع ماده‌سینه خانه خلقي طرفندن واقع اولمش نظریله باقیله جغنی ادعاده بولندیلر .

اوزمان بن‌ده دیدم‌که : آیاستفانوس کبی بش اون اولی برکویه آقشام اوزری صوگ ترله - اوکلرنده الک بیوکاری اولدینی حالد - بش آلتی ضابطه مأموری کلور ، صکره اوکویده اوتوران بر آدم ایله برلکده - حتی اوغلانی بیله برخطوه ایلرو آتدیرمهرق - اوینه گیدیلور ، و آردهن درت بش ساعت مرورنده اق اوگ اوشاغنک صرننده ایکی جوال طولیسی اوراق ایله صاحب خانه برابر بولندینی حالد استاسیونه عودت ایدیلور ، و خلاف عاده ترن توقیف اولنهرق و ذات و صفتلرینی ناطق یاسولر کوستریله رک رکوب ایدیلورده ، یینه اقدیلر طرفندن مأموریتلرنده احتیاطدن دم اوریلور و اشاعه خصوصی‌ده ، اوده بولغیان خانه خلقنه تحمیل ایدلمک استنور ایسه طوغریسی کیمسه‌نک دیه‌جکی قالمز .

یالگیز شوراسنی غریب بولیورم : اگر شو حالم موافق معدلت ایسه شیوعندن طولایی احترازده محل اولماق لازم کلور . دیمک موقوفیتک عدل وقانون خارجنده بر معامله مخصوصه اولدیغنه سزده قانع بولنیورسکیز که وقوعندن دکل ، فقط شیوعندن طولایی دوچار تلاش اولیورسکیز . هایدی دیدیگکیز کبی اشاعه‌ده بزم طرفندن واقع اولمش اولسون . بن مهین وطن اولدیغندن ، بغیر حق گوردیگم شو معامله‌دن طولایی متأثر دکل مفتخر اولورم . موجب فخر اولان بر حال ایسه اخفا دکل اعلان اولنور . ظاهری - پدرك نروده و یا پدري قالدیرمشلر - بولی وارد اوله‌جق بر سسؤاله اوغلم طرفندن : (خیر اقدیم بر قاج کون ایچون استراحتده در) طرزنده بر جواب ویرلمسنی آرزو ایدپورسکیز .

مدیر اقدی بوسوزمک زباندرازاق التزامیله سویلن سوزلردن اولدیغنی درک ایلدیگندن و بناءً علیه بنی استدیگی راده‌ده مغلوب حدت ایتکله ویرم‌جکم جوابلرله زعمجه تمثلدیرمک و یا کندنجبه متحتم اولان تهمتی شدتلندیرمک ایچون بحی

اوزاتاق و بلكه صددك خارجنه چيقمق استيوردي . بوني ذاتاً هر حالى تماميله مضبوطى اولان پاشاده آكلاديغندن، بو بحثى دخى دكشديردي .

آقشام تقرب ايتمش اولديغندن ، ضيا گئنگه طاورانمش ايدى . اوراده نەقدر قاله جغم معلوم اولمديغى جهتله خانه و مطبعه خلقتك پاره سز قالماملرى ايچون كندوسنه برقاچ چك امضا ايتك اوزره اليمى جيجه صوقش و فقط جيجه چك دفتري بوله ميجه . بركون اول مدير افندي طرفندن آلنديغى تخطر ايتش ايدم . بناءً عليه پاشايه — لطفاً (قازنه دوشكى) وركز . برقاچ كاغذ امضاليه جغم — ديدم . پاشا ايسه حيرتله كنديسنده اويله برشى بولنديغى بيان ايتمسييله و حاضر اولان مدير افندي ايسه (قازنه دوشك) تعبيرندن شك فعلتك صيغه تفصيلنه دلالت ايدم چك بر صورتده دوجار شك اوله رق هيج برشى سويله مامسييله، كندوسنه — دون آقشام پاشايه ويرمك اوزره جيچمن بانقك چك دفتري آلمش ايدكز . پاشا حضر تلىنه ويرمديگزمى؟ — ديدم . بوسوزدن بوزيله رق: — عفو ايدرسكز خاطر مدن چيقمش — ديه ستره سينك جيچندن دفتري چيقاردى . و فقط اصول ضابطه به تعلق ايدن شـ بـ لـ رـ دـ دـه متعصب بر محافظه كار اولديغندن ، چك دفتري بگا ويره جكنه پاشايه اوزاتدى . ناظم پاشا ايسه مدير افنديك دفتري آلمش اولمسنه جاني صيقلش اولديغى جهتله بودفعده كنديسنه اوزاتمى اوزرينه بتون بتون حدتلك درشت بر جهره و اسانله — بگا نه ويرورسكز؟ بك افندي به وركز ! ديدى . دفتري آله رق بر ايكي چك امضاليوب ضيا به وركدم . ايرتسى كوني ينه كورشك اوزره وداع ايدوب گتدى .

ساعت بش بحقه كلكش . غروب شمس تقرب ايتمش اولديغندن معاينه اوراقه نهايت وركلدى . محرم افندي ايله فؤاد بك و محمد على افندي نامنده كي قوميسر قيوبي كليديلكه آناختارى مدير افندي به وركديلر . وركلكده چيقوب گتديلر . قوناقدە پاشا ايله حسين دائم بكدن بشقه كيمسه قالمديغندن براز تنفس ايتك اوزره باغچه به ايندك . بن ايسه سبب توقف و تحري بي اوكرنك ايچون ناشكيانه اورته لغك تنهالشمسنه منتظر ايدم . فقط پاشا كوندوزكى سؤالمه بهم سوزلرله مقابله ايتمش اولديغندن

سؤال می تکرار ایتمکی موافق تمکین و وقار بولیوردم . براز صکره عالم آبه داخل
اولنجه باشانک سیماسنده برسرته مبهمی افشا ایتمک ایستیاندرده کوریلان حالت تبسم نمایان
اولمش ایدی . بن ایسه بالالتزام بو حالی آ کلامزافه اوردم . حال بوکه پاشا بندن بر
ایکنجی سؤاله منتظر بولیور و صور مایشعه بیراخی صقیلیوردی . حسین دایم
بک غایت فطین بر گنج اولدینی کبی پاشانکده طبع و مزاجنه واقف بولندیغندن
و احتمال که بکا سزدر مکسز بن آره لرند . تعاطی ایدیلان اشارتدن پاشانک مقصدینی
آ کلا دیغندن متبسمانه بر چهره ایله پاشایه خطاب ایدرک : - لطف بیور کزده
سبب توقیفی بک افندی به آ کلا دگز . بلکه مراقده درلر . دیدی . بن ایسه
بر قات ده الاقید کورنک ایستدم و دیدم که : هیچ مراقده دکل . چونکه بی
کوندوز تأمین بیور مشلر ایدی . شمعی ایسه مناسبتسز بر شی اولمش محتمل اولان
سبب توقیفی اوکر نجه بلکه جانم صقیلور . آنک ایچون نشئه مزى قاجر میله .
ایشی جریان طبعیسنه بر اقلم . کاغدلرک معاینه سی یارین نهایت بولور .
حسین دایم بک : یارین بوراده کی کاغدلر ختام بولنجه جمعه کونی ده
مطبعه ده کی کاغدلری آلوب کتوره جکیز . چونکه اصل اوراق مهمه ناک مطبعه ده
اولدینی خبر ویرلمش . - دیدی . دایم بک [اصل اوراق مهمه] قیدیه مراقی
تشید ایدرک بکا : ضمناً استیضاحده یولنخی افهام ایلوردی . بن ده هیچ طور می
بوز میهرق : مطبعه امیمه نسبتله هر آن تهلکه تحری به معروض اولدیغندن اوراده
جداً اخفاسی لازم گلان هیچ بر شی بولندیره مام . کاشکی اولجه اوراده کی اوراق
تدقیق ایدلمش اولسه ایدی ، بوغالله ده اقل بر طرف ایدلمش اولوردی . دیدم .
بونک اوزرینه ناظر پاشا سکوتنه نهایت ویره رک : - بو کوندرده غرغور افندی بی
کور دیگز می ؟ سؤالنده بولندیغندن : - اوت ! تام یوم توقیفدن کونی کونسه
بر هفته اول ، بر صباح مطبعه کلشدی . کندیسنی ، مصرده برایش حواله ایتمک
ایچون بر کون اول جاجر مشدم . پرنس ابراهیم پاشاده اولان آلاچمندن طولانی
[تربیونال میقت - محکمه مختلطه] به مراجعت ایتمش ایدم . محکمه ده پرنسک
ربع معاشنی توقیف ایتمش اولدیغندن ، بزم عدلیه نظارتی و ساطیلیه یا بالذات بنم

وياخود طرفدن مسجل و مصدق بروكيك تشرين اول افرنجينك ۲۱ نجى كوني اثبات وجود ايمسى لازم گلديكنى تحريرات رسميه ايله بيلدير مش ايدى؛ بونك اوزرينه هم لسان محلى به، هم ده فرانسر لسانه واقف اولديغنى بيلديكم غرغور افندي يى دعوت ايتدم . اجرت و كالتى قرارلشدير دق . برلكده بك اوغلى مقاولات محررى (عبدالله نعمه) افندى به گيتدك . امر توكيل و تسجلى ايضا ايتدك . براز صكرمه يانى بيرا خانه سنده اوگله يمكى ييه رك آبرلمش دق . — ديدم .

ناظم پاشا — بشقه برشى اوزرينه قونوشيلديمى ايدى .
بن — خير ! يالگيز بو مطلوبم حقنده لازم گلان تفصيلاتى و برمشدم .
آنك خارجنده هيچ بر مكاهده بولمخدق .

ناظر پاشا — مطبعه ده بوگا دار اولان اوراقى كنديسنه كوسترديكزمى ايدى .
يعنى اوراقى كوسترديكگيز صره ده غرغور ، سائر بعض اوراق ده كور مشيمى ايدى ؟

بن — پرنسده اولان مطلوبى ناطق كافه و نائق برسنه اول تبديل هوا ايچون مصره گيتمش اولان اوغله كوندرمش ايدم . ذاتاً دعواده بو و نائق اوزرينه بنا ايدلمش اولديغندن، كافه سنى (تريبونال - ميقيست) نژنده ايدى . بو جهته غرغوره كوستريله جك بر ورق باره بيله يوقدى .

(مابعدى وار)

ابو الضيا

